

四庫全書

史部

欽定四庫全書

欽定續通志卷三百七

列傳

宋十一

錢若水

蘇易簡

郭贇

李至

辛仲甫

王沔

溫仲舒

王化基

舉正
詔

舉元

錢若水字澹成一字長卿河南新安人父文敏漢青州

帥劉銖辟為錄事參軍歷長水鄴都尉扶風令相州錄事參軍先是府帥多以筆牘私取官庫錢韓重贇領節制頗仍其弊文敏不從重贇假他事廷責之文敏不為屈太祖嘉其有守授右贊善大夫知瀘州至郡有政迹蠻人詣闕借留詔改殿中丞許再任三遷司封員外郎又知汝州建昌軍卒年七十二若水幼聰悟十歲能屬文華山陳搏見之曰子神清可以學道不然當富貴但忌太速爾雍熙中舉進士釋褐同州觀察推官有富民

失女奴其父母訟於州鞠於有司獄吏嘗有貸於富民
不獲乃劾富民父子數人共殺女奴棄之水中迷失其
屍而誣以罪皆應死若水疑之密使人訪求女奴得之
乃引以示女奴之父母皆泣曰是也富民父子賴以得
免郡太守欲荐之若水固辭且曰朝廷以此為若水功

當置獄吏者於何地太守嘆服

按富民女奴事宋史本傳不載抵東都事畧增

淳化初寇準掌選薦若水洎王扶程肅陳充錢熙五人
文學高第名試翰林若水最優擢秘書丞直史館

按東都事

累載若水推秘書丞直史館由太宗聞其雪富民失女
奴事遂召用宋名臣言行錄亦云太宗聞之驟加褒擢
二年中為樞密副使宋史本傳以若水之
擢因召試翰林最優與事累言行錄互異

歲餘遷右正

言知制誥會置理檢院於乾元門外命若水領之俄同
知貢舉加屯田員外郎改職方員外郎翰林學士與張
洎並命嘗草賜趙保忠詔有云不斬繼遷開狡兔之三
穴潛疑光嗣持首鼠之兩端太宗大以為當至道初以
右諫議大夫同知樞密院事真宗即位加工部侍郎上
章言毋老求解機務詔不許請益堅遂以本官充集賢

院學士判院事俄詔修太宗實錄若水引柴成務宗度
吳淑楊億同修成八十卷初太宗有畜犬甚馴常在乘
輿左右及崩鳴號不食因送永熙陵寢李至嘗詠其事
欲若水書之以戒浮俗若水不從呂端雖為監脩以不
泄局不得署名至扶其事以為專美若水稱詔旨及唐

朝故事以折之時議不能奪既又重脩太祖實錄

按宋史真

宋本紀咸平元年九月己巳詔呂端錢若水重脩太祖實錄二年六月丁巳宰臣進重修太祖實錄又按長編
載先是太宗命張洎重脩太祖實錄其書未成會洎死
己巳詔宰相呂端集賢院學士錢若水同領其事宋史

本傳機作大
宗今據改

參以王禹偁李宗諤梁顥趙安仁未周歲

畢俄判吏部流內銓從幸大名若水陳禦敵安邊之策
大意用兵以伐謀為主御將以用法為先遠引近徵謂
不數年間可致邊烽罷警俄知開封府時北邊未寧內
出手札詢若水備禦翦滅之策若水以為未得幽州未
可翦滅也遂陳脩邊之要有五一曰擇郡守二曰募鄉
兵三曰精芻粟四曰葺將帥五曰明賞罰又言邊部用
兵唯視太白與月為進退者誠以太白者將軍也星辰

者廷尉也合則有戰不合則無戰合於東則主勝合於西則客勝陛下苟思兵者凶器戰者危事而不倒持太阿授人以柄則守在西夷而常獲靜勝此備禦之上策也帝善其議未幾出知天雄軍兼兵馬部署時言事者請城綏州屯兵積穀以備黨項邊城互言利害前後遣使數輩按事不能決時已大發丁夫將與其役詔若水自大名馳往視之若水上言綏州項為內地民賦登集尚須旁郡轉餉自賜地趙保忠以來人戶凋殘若復城

之即須增戍芻糧之給全仰河東其地隔越黃河鐵碣
二山無定河在其城下緩急用兵輸送艱阻且其地險
若未葺未完邊寇奔衝難於固守況城邑焚毀片瓦不存
所過山林材木匱乏毀城之甚勞未見其利復詣關面
陳其事帝嘉納之遂罷役初若水率衆過河分布軍伍
咸有節制深為戍將推服帝謂左右曰若水儒臣中知
兵者也是秋又遣巡撫陝西緣邊諸郡令便宜制置邊
事還拜鄧州觀察使并代經畧使知并州事六年因疾

歸京師數月始赴朝謁與僚友會食假寢而卒年四十

四贈戶部尚書謚宣靖

按若水謚宣靖宋史本傳
失載據東都事畧長編增

子延

年甫七歲錄為太常奉禮郎若水美丰神有器識能斷
大事事繼母以孝聞雅善談論尤輕財好施所至推誠
待物委任僚佐總其綱領無不稱治汲引後進推賢重
士襟度豁如也故其死士君子尤惜之兄若愚比部員
外郎從弟若冲大中祥符中調河陽令真宗念若水母
老遣使存問賜緡帛羊酒且賜若冲帛三十端補孟州

別駕延年後以獻文賜進士出身歷太常博士集賢校
理

蘇易簡字太簡梓州銅山人父協舉蜀進士歸朝仕至
光祿寺丞易簡少聰悟好學風度凝粹才思敏瞻太平
興國五年年踰弱冠舉進士太宗方留心儒術貢士皆
臨軒覆試易簡所試三千餘言立就帝覽之稱賞擢冠
甲科解褐將作監丞通判昇州遷左贊善大夫八年以
右拾遺知制誥雍熙初與賈黃中同知貢舉有詔凡親

屬就舉者籍名別試易簡妻弟崔範匿父喪充貢奏名
在上第又王千里者水部員外郎孚之子協為孚門生
千里預薦坐範及千里罪罷易簡知制誥以本官奉朝
請未幾復知制誥充翰林學士連知貢舉陳堯叟孫何
並甲廷試淳化二年同知京朝官考課遣中書舍人充
承旨先是曲宴將相翰林學士皆預坐梁迥啓太祖罷
之又皇帝御丹鳳樓翰林承旨侍從升樓西南隅禮亦
廢至是易簡請之皆復舊制易簡續唐李肇翰林志二

卷以獻帝賜詩以嘉之帝嘗以輕綃飛白大書玉堂之

署四字令易簡榜於廳額

按長編載淳化二年冬翰林學士承旨蘇易簡續翰林志

二卷以獻帝嘉之賜詩一章紙尾批云詩意美卿居清

華之地也易簡願以所賜詩刻石昭示無窮上復為真

草行三體書書其詩命待詔吳文貴刻之因徧賜近臣

又飛白書玉堂之署四大字令中書召易簡付之榜於

廳額帝曰此永為翰林中美事易簡

曰自有翰林未有如今日之榮也

安李至等往觀帝聞遣中使賜宴甚盛至等各賦詩紀

其事宰相李昉等亦作詩頌美之

按長編載易簡以所賦詩悉以奏御帝謂

宰相曰蘇易簡以卿等詩什來上新足以見德量之盛學士之貴也可別錄一本進入以其未賜易簡他

日易簡直禁中以水試歌器帝因晚朝問曰聞卿所玩
得非歌器耶易簡曰然江南徐邈所作也命取試之乃
奏曰臣聞日中則是月滿則虧器盈則覆物盛則衰願
陛下持盈守成慎終如始以固丕基則天下幸甚會郊
祀充禮儀使先是扈蒙建議以宣祖升配易簡引唐故

事請以宣祖太祖同配從之

按長編載禮儀使蘇易簡
上言太祖皇帝光啓丕圖

恭臨大寶以聖授聖傳於無窮謹按唐永徽中以高祖
太宗同配上帝望將來親祀郊丘奉宣祖太祖同配
從之淳化四年春正月辛卯合祭
天地於圖正以宣祖太祖升配

俄掌吏部選遷給事

中參知政事時趙昌言亦參知政事與易簡不協至忿

爭帝前帝皆優容之未幾昌言出使劔南中路命改知

鳳翔明年易簡亦以禮部侍郎出知鄧州移陳州按宰相編

年錄載至道元年正月趙昌言罷參知政事四月蘇易

簡罷參知政事時李順搆亂太宗命昌言為川峽五十

二州招安行營都部署握兵入蜀易簡為至道二年卒

張洎所攻非因忿爭帝前政罷執政也

年三十九贈禮部尚書易簡外雖坦率中有城府由知制誥入為學士年未滿三十屬文初不達體要及掌誥命頗自刻勵在翰林八年眷遇實絕倫等李沆後入在

易簡下先參知政事故以易簡為承旨錫賚均焉太宗
遵舊制且欲檢其名望而後正台輔易簡以親老急於
進用因亟言時政闕失遂參大政易簡之執政也太宗
召其母薛氏入禁中賜冠帔命坐問曰何以教子成此
令器對曰幼則束以禮讓長則教以詩書帝顧左右曰
真孟母也易簡性嗜酒帝嘗以詩戒之令對其母讀自
是每入直不敢飲及卒帝曰易簡果以酒死可惜也易
簡雅善筆札所著文集皆藏於秘閣三子宿壽耆大中

祥符間皆祿之以官云耆子舜欽自有傳

郭贄字仲儀開封襄邑人乾德中舉進士中首薦太宗尹京因事藩邸太平興國初擢為著作佐郎右贄善大夫俄兼皇子侍講太宗在東宮出戒子篇命贄注解且令委曲講說以喻諸王遷右補闕與宋白並拜中書舍人五年置京朝官差遣院凡將命出入受代歸闕官悉考校勞績銓量才品命贄洎滕中正雷德驥領之七年以本官參知政事曹彬為弭德超所誣贄極言救解深

為宰相趙普所重嘗因論事奏曰臣受不次之遇誓以
愚直上報太宗曰愚直何益於事贄曰雖然猶勝姦邪
一日以入對宿醒未解左遷秘書少監知荆南府府俗
尚淫祀屬久旱盛陳禱雨之具贄始至命悉撤去投之
江不數日大雨就如左諫議大夫入為鹽鐵使時諸路
積逋欠犯人雖死猶繫其子孫贄條陳其事多所蠲貸
籍田超拜工部侍郎淳化中知澶州坐河決免所居官
久之起為給事中復工部侍郎真宗即位拜刑部侍郎

出知天雄軍入判太常寺吏部流內銓加集賢院學士
判院事知河南府歸朝獻詩自陳進秩吏部俄兼秘書
監初真宗未出閣贄已授經帝嘗至其家後楊可法繼
其任帝以為輔導不及贄嘗稱贄純厚長者至是在秘
府屢賜對詢訪舊事且愍其已老特拜工部尚書翰林
侍讀學士遷禮部尚書大中祥符三年卒年七十六帝
以舊學之故親臨哭之贈左僕射諡文懿錄其子昭度
為大理寺丞昭升昭用並大理評事昭允左贊善大夫

贄屬文敏速而不雕刻性溫和頗能延譽時儔宋白趙
昌言皆其所薦也贄初充賦有聲邑人同在籍中者忌
之潛加搆毀自是連上不中選洎贄再知貢舉邑人子
以明經充薦詔下日悔泣而去贄聞之命其所親召還
諭之就舉遂預薦中第然吝嗇切於治生晚節不事事
人頗以是少之

李至字言幾真定人幼沉靜好學能屬文及長辭華典
瞻舉進士釋褐將作監丞累遷右補闕知制誥太平興

國八年轉比部郎中為翰林學士拜右諫議大夫參知政事雍熙初加給事中時議親征范陽至上疏陳三策謂京師天下之本恭守宗廟不離京國為策之上未幾以目疾累表求解機政授禮部侍郎進秩吏部會建秘閣命兼祕書監選三館書置閣中俾至總之至每與李昉王化基等觀書閣下帝必遣使賜宴且命三館學士皆與焉至是昇秘閣次于三館從至請也帝嘗臨幸秘閣出草書千字文為賜至勒石帝曰千文乃梁武得破

碑鍾繇書命周興嗣次韻而成理無足取若有資於教
化莫若孝經乃書以賜至薦潘慎修舒雅杜鎬吳淑等
入充直館校理請購亡書間以新書奏御必便坐延見
恩禮甚厚淳化五年兼判國子監至言二傳二禮孝經
論語爾雅七經疏未備今直講崔頤正孫奭崔偓佺皆
勵精強學博通經義望令重加讎校以備刊刻從之後
又引吳淑舒雅杜鎬檢正謚謬至與李沆總領而裁處
之至道初真宗初正儲位以至與李沆兼賓客詔太子

事以師傅禮真宗每見必先拜至等上表不敢當禮詔
荅曰朕旁稽古訓肇建承華用選端良資於輔導藉卿
宿望委以護調蓋將勗以謙冲故乃異其禮數勿飾當
仁之讓副予知子之心至等相率謝太宗謂曰太子賢
明仁孝國本固矣卿等可盡心規誨若動皆由禮則宜
贊助事有未當必須力言至於禮樂詩書義有可裨益
者皆卿等素習不假朕之言諭真宗即位拜工部尚書
參知政事一日帝訪以靈武事至言河湟夷夏雜居先

王置之度外望陛下以元元為念不以巨慙介意料彼
脅從亦厭兵久矣苟啖以厚利糜以重爵亦安肯迷而
不復訖於淪胥哉今靈州不可不棄非獨臣愚以為當
然若移朔方軍額於環州一時之權非臣之所敢知也
後靈武卒不能守咸平元年再以目疾求解政柄授武
信軍節度使入辭節制不允居二年徙知河南府四年
以病求歸本鎮許之詔甫下卒年五十五贈侍中詔給
其子惟良惟允惟熙等奉終制至剛嚴簡重人士罕登

其門性吝嗇幼育於飛龍使李知審家及貴即逐其養子以利其資知審因至亦至右金吾衛大將軍

辛仲甫字之翰汾州孝義人少好學及長能吏事偉姿儀器局沉厚周廣順中郭崇署掌書記崇所親吏為廂虞候部民有被劫殺者訴陰識賊魁即捕盜吏也官不敢詰仲甫請自捕逮鞠之吏故稽其獄仲甫曰民被寇害而使自誣服盡政甚矣焉用僚佐為請易吏以雪冤憤崇悟移鞠之乃得實狀崇移鎮真定改深趙鎮觀察

判官太祖即位以崇為監軍陳思誨密奏崇有姦狀帝怒且疑遣中使馳往驗之未至崇憂懣失據謂賓佐曰苟王人不察為之奈何皆愕相視仲甫曰皇帝膺運公首效節軍民處置率循常度何以加辭第遠偵使者率僚屬盡郊迎禮聽彼伺察久當自辨矣崇如其言使者至視崇無他意還奏帝大喜歸罪思誨仲甫又隨崇為平盧軍節度判官崇卒改鄆齊觀察判官累雪冤枉乾德五年入拜右補闕出知光州州有橫河與城直會霖

潦水溢潰廬舍仲甫集船數百艘軍資民儲皆賴以濟
移知彭州州卒誘營兵及諸屯戍謀以長春節宴集日
為亂屬春初仲甫出城巡視見壕中草深意可藏伏命
燒雜之凶黨疑謀泄有自首者擒百餘人盡斬之先是
州少種樹暑無所休仲甫課民栽柳蔭行路郡人謂之
補闕柳太祖問羣臣文武兼資者為誰趙普以仲甫對
徙益州兵馬都監代還選為三司戶部判官太平興國
初遷起居舍人奉使契丹遼主問黨進何如人如進之

比有幾仲甫曰國家名將輩出如進鷹犬材耳何足道哉遼主欲留之仲甫曰信以成命義不可留有死而已遼主竟不能屈使還以刑部郎中知成都府既命奏免歲輸銅錢罷權酷政尚寬簡蜀人安之加右諫議大夫時彭州盜賊連結為害詔捕未獲仲甫誘百餘人令自縛詣吏餘因散去入知開封府拜御史中丞雍熙三年拜給事中參知政事端拱中進戶部侍郎時呂蒙正以長厚居相位王沔任事仲甫從容其間而已淳化二年

以足疾罷為工部

東都事畧
作戶部

尚書出知陳州代歸會蜀

有寇以仲甫素著恩信將令與疾招撫因疾未行以太
子少保致仕真宗即位加太子少傅咸平三年卒年七
十四贈太子太保子若冲若虛若蒙若濟若渝皆能其
官孫有孚有隣俱中進士

王沔字楚望齊州人太平興國初舉進士解褐大理評
事太宗親征太原見於行在授著作郎

東都事畧
著作郎

直

史館遷右拾遺出為京西轉運副使明年加右補闕知

懷州擢膳部郎中樞密直學士遷右諫議大夫同簽書
樞密院事雍熙元年加左諫議大夫樞密副使端拱初
改戶部侍郎參知政事淳化初宰相趙普出守西洛呂
蒙正以寬簡自任政事多決於沔沔與張齊賢同掌樞
務頗不叶齊賢出知代州沔遂為副使參預政事陳恕
好苛察亦嘗與沔忤淳化二年齊賢洎恕參知政事沔
不自安慮僚屬有以中書舊事告齊賢等會左司諫王
禹偁上言自今宰相及樞密使不得於本廳見客許於

都堂延接沔喜即奏行之直史館謝泌以為如此是疑大臣以私也疏駁之太宗追還前詔沔暨怒因是罷守本官翌日蒙正亦罷沔見上涕泣不願離左右未幾鬚鬢皆白三年帝欲黜陟官吏命沔與謝泌王仲華同知京朝官考課沔上言應京朝官殿犯乞令刑部條報以贓及公私罪分三等以聞立法苛察欲因是以求再用受命甫旬日方視事以暴疾卒年四十三贈工部尚書沔聰察敏辨有適時之用言事能委曲敦繹舊例丞相

待漏於廬燃巨燭天殆曉時入朝往往尚有留案遺決

未盡沔止燃數寸事都畢猶徘徊笑談方曉

待漏事宋史本傳不

載據歐陽修歸田錄增

性苛刻少誠信掌機務日凡謁見者必啗

以甘言皆喜遇望既而進退非允人胥怨之沔弟淮太

平興國五年進士任殿中丞嘗掌香藥榷易院坐贓論

當棄市以沔故詔杖一百降定遠主簿沔以是頻為寇

準所誅云

溫仲舒字秉陽河南人太平興國二年舉進士為大理

評事通判吉州再遷秘書丞知汾州坐事除名未幾復起為右贊善大夫通判睦州端拱初拜右正言直史館三年拜工部郎中樞密直學士秋彗星見召對別殿仲舒以為國家平太原以來燕代之交城守年深殺傷剽掠彼此迭見大河以北農桑廢業戶口減耗凋弊之餘極力奉邊丁壯備徭老弱供賦遺廬壞堵不亡即死邪人媚上猶云樂輸加以兵卒踐更行者辛苦居者怨曠願推思宥以綏民庶太宗嘉納之遂赦河北淳化二年

拜右

宋史年表作左

諫議大夫樞密副使改同知樞密院事

四年罷知秦州先是俗雜羌戎有拉瑪嘉勒多藏多等部唐末以來居於渭河之南大洛小洛門砦多產良木為其所據歲調卒采伐給京師必以貴假道於羌戶然不免攘奪甚至殺掠仲舒至部兵歷按諸砦諭其首以威信諸部獻地內屬既而悉徙其部落於渭北立堡砦以限之民感其惠會有言仲舒生事者乃命知鳳翔薛惟吉與仲舒對易其任連知興元江陵二府加給事中

會內侍監繼宗使秦州還言得地甚利乃名仲舒拜戶部侍郎尋參知政事二若後為內地歲獲巨木之利咸平初拜禮部尚書罷政出知河陽踰年知開封府五年以京府務劇求罷遂以本官兼御史中丞尋遷刑部尚書知天雄軍徙河南景德中并州缺守帝以北門重鎮須大臣鎮撫非張齊賢溫仲舒不可令宰相論旨皆不願往未幾復知審官院大中祥符中進秩戶部尚書三年判昭文館大學士命下卒年六十七贈左僕射謚恭

肅仲舒敏於應務少與呂蒙正契原又同登第仲舒黜
廢累年蒙正居中書極力援引及被任用反攻蒙正士
論薄之自為正言至貳樞密皆與寇準同進時人謂之
溫寇子嗣宗嗣良嗣先嗣立仲舒既卒帝憫其孤弱並
祿以官

王化基字永圖鎮定人太平興國二年舉進士為大理
評事通判常州遷太子右贊善大夫知嵐州時趙普為
相建議以驟用人無益於治改淮南節度判官入為著

作郎遷右拾遺抗疏自薦太宗覽奏曰化基自結人主
慷慨之士也召試知制誥以右諫議大夫權御史中丞
一日侍便殿問以邊事對曰治天下猶植木焉所患根
本未固固則枝幹不足憂朝廷治則邊鄙何患乎不安
又嘗令薦士即一疏數十人王嗣宗薛映耿望皆其所
薦也化基嘗慕范滂為人獻澄清畧言時事有五一復
尚書省二慎公舉三懲貪吏四省冗官五擇遠官書奏
太宗嘉納之初柴禹錫任樞密有奴受人金而禹錫實

不知也參知政事陳恕欲因以中禹錫太宗怒引囚訊

其事化基為辨其誣太宗感悟以化基為長者淳化中

拜中丞俄知京朝官考課遷工部侍郎至道三年超拜

參知政事

按宋史宰相表至道三年正月丙子王化基自禮部侍郎叅知政事宰相編年錄同本傳

不言其為禮部侍郎

咸平四年以工部尚書罷知揚州移知河南

府進禮部尚書大中祥符三年卒年六十七贈右僕射

諡惠獻化基寬厚有容喜愠不形僚佐有相凌慢者輒

優容之

按陸平集載化基知杭州書記張賀頗傲忽在

金匱要略卷之八十一
善舉元皆有所立
中書不以蔭補諸子官然善教訓故其子舉正舉直舉

舉正字伯中幼嗜學厚重寡言化基以為類已器愛異
諸子以蔭補秘書省校書郎進士及第知伊闕任邱縣
名為館閣校勘集賢校理真宗實錄院檢討國史編修
官三遷尚書度支員外郎直集賢院修三朝寶訓同修
起居注擢知制誥其妻父陳堯佐為相改龍圖閣待制
堯佐罷以兵部郎中復知制誥為翰林學士拜右諫議

大夫參知政事前一日吏有馳報者舉正方燕居齋舍
徐謂吏曰安得漏禁中語既入謝仁宗曰卿怙於進取
未嘗干朝廷以私故不次用卿時陝西用兵呂夷簡以
宰相判樞密院舉正曰判名重不可不避也乃改兼樞
密使遷給事中御史臺舉李徽之為御史舉正友壻也
格不行徽之訟曰舉正妻悍不能制如謀國何歐陽修
等亦論舉正懦弱不任事舉正亦自求去遂以資政殿
學士尚書禮部侍郎知許州光化軍叛卒轉寇傍境州

兵有謀起為應者舉正潛捕首惡斬之徙知應天府累遷左丞皇祐初拜御史中丞乃奏張堯佐庸人緣妃家

一日領四使

東都事畧載張堯佐授宣徽節度使景靈四使

使賢士大夫無

所勸不報舉正因留班廷諍乃奪宣徽景靈二使又曰

先朝用人雖守邊累年者官止遙郡刺史今所用未盡

得人而尅期待遷使後有功者何所勸且轉運使察官

吏能否生民休戚賴焉命甫下而數更不終歲而再易

恩澤所以未宣民疾所以未瘳者職此故也御史唐介

坐言事貶春州舉正力言之介得徙英州居半歲竟佐
復為宣徽使家居凡七上疏及狄青為樞密使又言青
出兵伍不可為執政力爭不能奪因請解言職帝稱其
得風憲體除觀文殿學士禮部尚書知河南府入兼翰
林侍讀學士每進讀及前代治亂之際必再三諷諭以
太子少傅致仕卒贈太子太保謚安簡文章雅厚如其
為人

舉元字懿臣以上文章賜進士出身知潮州江水敗隄

盜乘間竊發舉元夜召里豪計事盜既獲乃治隄為河
陰發運判官或言大河決將犯京師舉元適入對具論
地形證其妄已而果然歷郡牧戶部判官京東轉運使
沙門島多流人守吏顧貨橐陰殺之舉元請立監以較
賞罰自是全活者衆徙淮南河東夏人來爭屈野地舉
元從數騎渡河設幕與之議示以赤心夏人咸服治平
中又徙成都邛井鹽歲入二百五十萬為達勒卓克所
侵積不售下令止之鹽登於舊名提舉在京修造進鹽

鐵副使拜天章閣待制知滄州改河北都轉運使知永興軍慶人憂人屯境上有窺伺意舉元使二裨將以千騎扼其要害長安遣從事來會兵涇原戒勿輕舉大將竇舜卿銳意請行不聽舉元曰不過三日敵去矣至期果去神宗以細札詔攻守策舉元請省官減戍益備去兵勿營亭障輿論不合遂引疾求解徙陳州未行而卒官至給事中年六十二子詔

詔字景獻用蔭補官通判廣信軍事知博州魏俗尚推

剽姦盜相囊索詔請開反告殺并贖罪法以攜其黨元祐初朝廷起回河之議未決而開河之役遽興詔言河朔秋潦水淫為蓄民人流徙賴發廩賑贍思稍蘇其生未可以力役傷也從之擢開封推官富民貸後絕僧牒為緡錢十三萬踰期復責倍輸身死貲籍又錮其妻子詔請免之出為滑州州屬縣有退灘百餘頃歲調民刈草給河隄民病其役詔募人佃之而收其餘為度支郎中使契丹時方討西夏迂者耶律誠欲嘗之言曰河西

無禮大國能容乎詔曰夏人侮邊既正其罪矣何預兩
朝和好事入賀故事跪而飲蓋有誤拜者乃彊詔詔曰
南北百年所守者禮其可紛更耶卒跪飲之崇寧中由
大理少卿為卿徙司農御史論詔在滁日請蘇軾書醉
翁亭碑罷主崇福宮旋知汝州鑄錢卒罵大校詔斬以
徇而上章待罪除直秘閣言者復扶滁州事按宋史本
傳載御史
論詔在滁日請蘇軾書醉翁亭碑又云言者復扶
滁州事然傳中載詔所歷官前後並無滁州之任罷去
起知深充二州徙同州過闕留為左司郎中遷衛尉太

府卿刑部侍郎詳定敕令舊借緋紫者不佩魚詔言章服所以辨上下今與胥吏不異遂皆佩魚歷工兵戶三部侍郎轉開封尹時子瑋使京西攝尹洛父子兩京相望人以爲榮進刑部尚書拜延康殿學士提舉上清寶箓宮復爲兵部尚書徽宗閔其老命母拜詔皇恐於是但朝朔望以銀青光祿大夫致仕卒年七十九

欽定續通志卷三百七

欽定四庫全書

史部

欽定續通志卷三百

八至
十三

中書_臣李采覆勘

總校官原任侍講臣王燕緒

欽定四庫全書

欽定續通志卷二百八

列傳

宋 十一

張宏

趙昌言

陳恕

魏羽
劉式

劉昌言

張洎

李惟清

張宏字巨卿青州益都人太平興國二年舉進士為將
作監丞通判宣州改太子中允直史館遷著作郎預修

太平御覽歷左拾遺出為峽路轉運副使就加左補闕
知遂州以勤幹聞入為度支員外郎雍熙中呂蒙正李
至張齊賢王沔薦其文行改主客郎中史館修撰數日
以本官充樞密直學士太宗召對便殿謂曰成都重地
卿為朕鎮之因厚賜以遣至鄭州促召歸闕拜右諫議
大夫樞密副使時河朔用兵宏無所建白御史中丞趙
昌言多言邊事乃以昌言副樞密宏為中丞兩更其職
端拱初改工部侍郎再為樞密副使淳化二年以吏部

侍郎罷俄判吏部銓權知開封府至道初出知潞州二
年就轉右丞真宗即位加工部尚書咸平初還朝知審
官院二年真宗以上封者衆慮其稽留命宏與王旦知
登聞鼓院再掌吏部選四年卒年六十三贈右僕射錄
其子可久大理評事可道太祝可度奉禮郎宏循謹守
位不求赫赫之譽歷踐通顯未嘗敗事可久至虞部員
外郎可道國子博士可度太子中舍

趙昌言字仲謨汾州孝義人父叡從事使府太宗尹開

封選為雍邱太康二縣令後終安申觀察判官昌言少
有大志趙逢高錫寇準皆稱許之太平興國三年舉進
士文思甚敏有聲於場屋為貢部首薦廷試日太宗見
其辭氣俊辯又覩其父名謂左右曰是嘗為東畿宰朕
之生辰必獻詩百韻為壽善訓其子亦為可嘉也擢寘
甲科為將作監丞通判鄂州拜右拾遺直史館選為荆
湖轉運副使遷右補闕改知青州入拜職方員外郎知
制誥預修文苑英華雍熙初加屯田郎中明年同知貢

舉俄出知天雄軍時曹彬崔彥進米信失律于岐溝昌
言遣觀察支使鄭蒙上疏請誅彬等優詔褒答召拜御
史中丞太宗宴金明池特召預馬憲官從宴自昌言始
也河東用兵樞密副使張宏循默守位昌言多條上邊

事太宗即以昌言為左諫議大夫代宏為樞密副使

東都

事畧作代張宏為右
諫議大夫樞密副使

遷工部侍郎時鹽鐵副使陳象輿

與昌言善知制誥胡旦度支副使董儼皆昌言同年右
正言梁顥嘗在大名幕下四人者日夕會昌言之第京

師為之語曰陳三更董半夜有傭書翟穎性險誕與旦狎旦為作大言之辭使穎上之為穎改姓名馬周以為

唐馬周復出也其言多毀時政自薦為大臣及歷舉數

十人皆公輔器期昌言為內應許王尹開封

按長編陳王元僖進

封許王是端拱元年二月事開封尹許王捕穎繫獄是本年三月事本傳仍稱陳王尹開封悞今改 廉知

以聞詔捕穎繫獄鞫之得實昌言坐貶崇信軍節度行

軍司馬穎杖脊黥面流海島禁錮終身初太宗厚遇昌

言欲相之趙普以勲舊復入惡昌言剛戾乃相呂蒙正

纜數月會有穎獄普以昌言樹黨再勸太宗誅之太宗特寬馬淳化二年起昌言知蔡州逾年召拜右諫議大夫或議弛茶鹽禁以省轉漕命昌言為江淮兩浙制置茶鹽使昌言極言非使太宗不納趨昌言往昌言固執如初即以戶部副使雷有終代之卒以無利而罷昌言復知天雄軍大河貫府境豪民峙芻茭圖利誘姦人潛穴堤防歲仍決溢昌言知之命徑取豪家所積以給用自是無敢為姦利者屬澶州河決流入御河漲溢浸府

城昌言籍府兵員土增隄數不及千乃索禁旅佐役皆
偃蹇不進昌言怒曰府城將墊人民且溺汝輩食厚祿
欲坐觀耶敢不從命斬衆股慄赴役不浹旬城完太宗
手詔褒諭之呂拜給事中參知政事俾乘疾置以入即
赴中書時京城連雨昌言請出廩馬分牧外郡或以盛
秋備敵馬不可闕昌言曰塞下積水敵必不至太宗從
之未幾王小波李順搆亂于蜀議遣大臣撫慰昌言獨
請發兵無使滋蔓廷論未決會嘉眉連陷始命王繼恩

等分路進討昌言攝祭太廟宿齋中因召對滋福殿復
贊兵計遂遣使督繼思戰繼思御衆寡術餘寇未殄握
兵留成都士無鬪志郡縣復有陷者太宗意頗厭兵召
昌言謂曰西川本自一國太祖平之訖今三十年矣昌
言知帝意即前指畫攻取之策太宗喜命昌言為川峽
五十二州招安行營馬步軍都部署昌言懇辭敦諭不
許賜精鎧良馬白金別賜手札數幅皆討賊方畧自繼
思以下並受節度既行有奏昌言無嗣鼻折山根頗有

反相不宜遣握兵入蜀後旬日召宰相於北苑門曰昨
令昌言入蜀朕思之有所未便且蜀賊小醜昌言大臣
未易前進且令駐鳳翔止遣內侍衛紹欽齎手書指揮
軍事亦可濟也詔書追及昌言已至鳳州留候館百餘
日賊平改戶部侍郎罷政事知鳳翔府徙澶涇延三州
真宗即位遷兵部侍郎知陝州移知永興軍咸平三年
與呂蒙正寇準同召以本官兼御史中丞知審官院有
言門資官不宜任親民昌言手疏以才不才在人豈以

寒傷世家為限遂罷其議加工部尚書仍兼中丞先時
多遣臺吏巡察羣臣踰越法式者昌言建議請準故事
令左右巡使分領之會知審刑院趙安仁判大理寺韓
國華斷獄失中解職昌言因上言詳斷官宜加慎擇有
議刑不當嚴示懲罰授以遠官若有罪被問不即引伏
者許令追攝又天下大辟斷訖皆錄欵以聞奏付刑部
詳覆用刑乖理者皆行按劾惟開封府未嘗奏案或斷
獄有失止罪原勘官吏知府等官皆不及責則何以辨

明枉濫表則方夏望自今如外州例施行從之會孟州
民常德方訟臨津尉任懿以賄登第事下御史乃知舉
王欽若受之昌言以聞欽若自訴詔邢昺覆案坐昌言
故入奪官貶安遠軍行軍司馬移武勝軍景德初拜刑
部侍郎求兼三館職命判尚書都省真宗幸澶淵以盟
津居要增屯兵命知河陽歷知天雄軍府境內有小盜
昌言榜諭能告執者給賞牙吏即遷職樞密使王繼英
以為小盜不當擅為賞格乃訪昌言易其榜有勞者俟

朝旨徙知鎮州遷戶部侍郎

東都事畧作
吏部侍郎

大中祥符二

年卒年六十五贈吏部尚書諡景肅錄其子慶嗣為國
子監丞賦祿終喪姪孫允明同學究出身昌言喜推獎
後進掌漕湖外時李沆通判潭州昌言謂有台輔量表
聞於朝王旦宰岳州平江昌言一見識其遠大以女妻
之後皆為賢相王禹偁自卑秩擢詞職亦昌言所薦也
昌言強力尚氣槩當官無所顧避所至以威斷立名雖
屢經擯斥未嘗少自抑損然剛愎縱率對僚吏倨慢時

論以此少之慶嗣至太子洗馬

陳恕字仲言洪州南昌人少為縣吏折節讀書江南平禮部侍郎王明知洪州恕以儒服見明與語大奇之因資送令預計偕太平興國二年進士解褐大理評事通判洪州恕以鄉里辭改澧州澧自唐季為節鎮兼領吏多緣簿書軋沒為姦恕盡撻發其弊以吏幹聞召入為右贊善大夫同判三司勾院遷左拾遺充度支判官與判使王仁瞻廷爭本司事仁瞻屈伏坐貶秩擢恕為度

支員外郎仍舊職再遷工部郎中知大名府時契丹來
侵受詔增浚城隍其器用取於民者不時集恕立擒府
中大豪一人會將吏將斬之大豪叩頭流血請翌日集
事違期甘死恕令械之以徇民皆恐懼無敢後期者數
日工就會契丹引去召入為戶部郎中戶部副使遷右
諫議大夫知澶州驛召為河北東路營田制置使太宗
諭以農戰之旨恕對曰古者兵出於民無寇則耕寇至
則戰今之戎士皆以募致衣食仰給縣官若使冬持兵

禦寇春執耒服田萬一生變悔無及矣太宗曰卿第行朕思之恕行數日果有詔止令修完城堡通導溝瀆而已營田之議遂寢俄知代州入判吏部選事拜鹽鐵使恕有心計釐去宿弊太宗深器之親題殿柱曰真鹽鐵陳恕遷給事中參知政事太宗言及戶部使樊知古所部不治恕與知古聯事情好欵洽密與語之欲知古修舉其職知古愬於太宗太宗怒恕泄禁中語罷守本官旋出知江陵府大發羣吏姦賊坐徒流停廢者甚衆郡

內惕息淳化四年分三司為十道置左右計使召恕為
工部侍郎充總計使判左右計事左右計事分判十道
事凡議論計度並令恕等參預恕以官司分隸政令互
出難以經久極言其非便歲餘果罷復以恕為鹽鐵使
時太宗留意金穀召三司吏李溥等二十七人對於崇
政殿詢以計司利害溥等共上七十一事詔以四十四
事付有司行之其十九事下恕等議可否太宗謂宰相
曰溥等條奏事頗有所長朕嘗語恕等若文章稽古此

鞏固不可望若錢穀利病頗自幼至長寢處其中必周知根本但假以顏色引令剖陳必有所益後數日太宗又曰國家歲入財數倍於唐唐中葉以降藩鎮擅命征賦多不入公家下陵上替經制隳壞若前代為得即已致太平豈復煩朕心慮也因召恕等責以職事曠廢且謂恕等專守繩墨終不能為國家度長挈大剖煩折滯只如京城倉庫主吏當改職者簿領中壹處節目未備即至十年五年不決以致貧無資給轉徙溝壑豈不傷

和氣哉恕等頓首謝五年賜三司錢百萬募吏有能言
本司不便者令恕等量事大小以錢賞之錢盡更給至
道二年欲併三司命官總判其勾院磨勘理欠憑由支
收行帳提點等司令恕條列其事以聞悉從恕奏恕將
立茶法召茶商數十人俾各條利害恕第為三等語副
使宋大初曰吾觀下等固滅裂無取上等取利太深不
可行惟中等公私皆濟吾裁損之可以經久於是始為

三法

按宋史食貨志及名臣
言行錄俱作三說法

行之貨財流通峽路諸州

承孟氏舊政賦稅輕重不均閩州稅錢千八百為一絹
果州六百為一絹民前後擊登聞鼓陳訴歷二十年詔
下本道官吏因循不理轉運副使張煜年少氣銳會受
詔按覆即便宜行之恕奏煜擅改法計果州一歲虧上
供絹萬餘煜坐削一任免恕每便殿奏事太宗或未深
察必形諛讓恕斂板蹶縮退至殿壁自立若無所容俟
意稍解復進愬執前奏終不改易如是或至三四太宗
以其忠多從之遷禮部侍郎真宗即位加戶部命條具

中外錢穀以聞恕久不進屢趨之恕曰陛下富於春秋若知府庫充實恐生侈心臣是以不敢進真宗嘉之咸平二年拜吏部侍郎知通進銀臺封駁司審官院上言封駁之任實給事中之職隸於左曹雖別建官局不可失其故號請以門下封駁事隸銀臺司從之五年知貢舉恕自以洪州人避嫌凡江南貢士悉被黜退又援貢舉非其人之條故所取甚少而所取以王曾為首及廷試糊名考校曾復得甲科時議稱之恕每自歎曰吾得

曾名世才也不愧知人矣恕事母孝母亡哀慕過甚遂至羸瘠起復視事遷尚書左丞權知開封府恕已病猶勉強親職數月增劇表求館殿之職獲奉以濟其貧真宗曰卿求一人可代者聽卿去是時寇準罷樞密使恕即薦以自代遂以準為三司使恕為集賢學士判院事準即檢尋恕前後改革興立之事類以為冊及以所出榜別用新板躬至恕第請判押恕亦不讓一一押之自是計使無不循其舊貫至李諮為三司使始改茶法恕

之規模漸革矣帝重怒詔太醫診療百日有司請停奉
不許未幾卒年五十九怒將卒口占遺奏及約束後事
送終之具無不周悉贈吏部尚書錄其子執中為太常
寺太祝執古為奉禮郎怒頗涉史傳多識典故精於吏
理深刻少恩人不敢干以私前後掌利柄十餘年強力
幹事胥吏畏服有搢職之譽善談論聽者忘倦素不喜
釋氏嘗請廢譯經院真宗曰三教之興其來已久前代
毀之者多矣但存而不論可也怒嘗怒子淳私用錢及

寢疾上言溥不率教導多與非類遊常習武藝願出為外州軍校真宗曰戎校管鎮兵非丞郎家子弟所位也以為滁州司馬恕卒召復舊官後竟以賄敗執中至同中書門下平章事別有傳執古至虞部員外郎執方執禮並太子中舍

魏羽字垂天歙州婺源人少能屬文上書李煜署弘文館校書郎時建當塗縣為雄遠軍以羽為判官王師渡江出其境羽以城降太祖擢為太子中舍仍舊職金陵

平入朝命知興州太平興國初知棣州改京兆府六年
受詔詣瀛州覆軍市租得隱漏數萬計因上言本州錄
事參軍郭震十年未代河間令崔能前任即墨未滿歲
遷秩有司調選失平疏遠何由聞達請罪典司以肅欺
弊帝賜詔褒諭復命遷太常博士知宋州又徙閬州就
改膳部員外郎入判大理寺歷度支部二判官召拜
本曹郎中因上疏言三司職官頗衆願省其半可以責
成仍條列利病凡二十事詔下有司詳議皆以為便改

鹽鐵判官時北邊多警朝議耕戰之術以羽為河北東
路營田副使改兩浙轉運使遷兵部郎中淳化初選為
秘書少監遷左諫議大夫俄拜度支使改鹽鐵使四年
併三部為一司以羽判三司先是三司簿領堆積吏緣
為姦雖嘗更立新制未為適中羽請依唐制天下郡縣
為十道兩京為左右計各署判官領之制三司使二員
以羽為左計使董儼為右計使中分諸道以隸焉未久
以非便罷守本官出知滑州加給事中徙潭州真宗即

位遷工部侍郎連徙抗揚二州召權知開封府車駕北
巡判留司三司再為戶部度支使咸平四年以疾解職
拜禮部侍郎月餘卒年五十八羽涉獵史傳好言事淳
化中許王暴薨或有以官府舊事上聞者太宗怒追捕
僚吏將窮究之羽乘間上言曰漢戾太子竊弄父兵當
時言者以其罪當笞耳今許王之過未甚於是太宗嘉
納之繇由被劾者皆獲輕典嘗建議有唐以來凡制詔
皆經門下省審有非便者許其封駁請遵故事擇名臣

專領其職迄今不廢羽強力有吏幹尤小心謹事太宗嘗謂左右曰羽有心計亦明吏道但無執守與物推移耳歷劇職十年始踰四十鬚鬢盡白亦可憐也羽出入計司凡十八年習知金穀之事然頗傷煩急不達大體長子玠卒次子校書郎瓘後為殿中丞琰為太子中舍孫平仲天禧三年同進士出身羽同時有劉式者亦久居計司初端拱中三年磨勘之法首以式主之式字叔度袁州人李煜時舉三傳中第歸太祖歷遷大理寺丞

贊善大夫監通州豐利監及主三司都磨勘司嘗建議
置主轄支收司以謹財賦出納時以為當遷秘書丞至
道中併三勾院為一命式領之再轉工部員外郎遷刑
部式深究簿領之弊江淮間舊有橫賦逋積至多式奏
免之人以為便然多所條奏檢校過峻為下吏所訟免
官卒真宗追錄前功賜其子立本學究出身次子立之
後為國子博士立德立禮並進士及第立禮為殿中丞
劉昌言字禹謨泉州南安人少篤學文詞靡麗本道節

度陳洪進辟功曹參軍掌牒奏太平興國二年洪進歸朝改鎮徐州又辟推官五年舉進士入格太宗初惜科第止授歸德軍掌書記八年復舉得第遷保信武信二鎮判官宰相趙普鎮南陽重昌言有吏幹錢俶帥鄧表薦之移泰寧軍節度判官入為左司諫廣南安撫使淳化初趙普留守西京表為通判委以府政普疾屬昌言後事普卒昌言感普知已經理其家事太宗以為忠於所舉拜起居郎連對三日皆至日盱昌言捷給詆詭能

揣人主意無不稱旨遷工部郎中踰月守本官充樞密直學士與錢若水同知審官院二十八日遷右諫議大夫同知樞密院事昌言驟用不為時望所伏或短其閔語難曉太宗曰惟朕能曉之又短委母妻鄉里十餘年不迎侍別娶旁妻詔令迎歸京師本州給錢辦裝縣次續食時又有光祿丞何亮家果州秘書丞陳靖家泉州不迎其親下詔戒諭文武官父母在劔南峽路漳泉福建嶺南皆令迎侍敢有違者御史臺糾舉以聞昌言自

以登擢非次懼人傾奪會誅凶人趙贊昌言與贊素善
前在河南嘗保任之心不自安因太宗言及近侍有與
贊交者昌言蹶然出位頓首稱死罪太宗慰勉之然自
此惡其為人以給事中罷出知襄州至道二年徙知荆
南府真宗即位就拜工部侍郎咸平二年卒年五十八
贈工部尚書子有方比部員外郎有政虞部員外郎
張洎滁州全椒人少有俊才博通墳典江南李景開貢
舉登進士第解褐上元尉擢監察御史洎自以論事稱

旨遂肆彈擊無所忌大臣游簡言等嫉之會景徙豫章
留洎為煜記室景卒煜嗣擢知制誥遷中書舍人清輝
殿學士叅預機密恩寵第一洎舊字師黯煜令字偕仁
好建議每上言未即行必稱疾煜手札慰諭之始復視
事王師圍金陵洎引符命勸煜勿降苟一旦不虞即臣
當先死既而城陷洎攜妻子及橐裝自便門入止宮中
給光政使按五代史南唐世家開寶五年煜下令貶損
制度改樞密院為光政院故稱樞密使為光
政使也 陳喬同升閣欲與俱死喬自經氣絕洎反下見煜

曰臣與喬同掌樞務國亡當俱死又念主在誰能為主
白其事不死將有以報也歸朝太祖召責之曰汝教煜
不降使至今日因出帛書示之乃圍城日洎所草詔召
上江救兵蠟丸書也洎頓首請罪曰竇臣所為也犬吠
非主此其一爾他尚多有今得死臣之分也辭色不變

太祖竒之貸其死拜太子中允尋判刑部

按馬令南唐書云南唐之

士歸於皇朝洎最顯馬

太宗即位以其文雅選直舍人院改戶部

員外郎太平興國四年出知相州明年徙貝州又知相

州部內不治轉運使田錫勅之代還帝以其儒生不責
以吏事詔不問令以本官知譯經院遷兵部員外郎禮
戶二部郎中端拱初契丹侵邊詔羣臣言事洎以練兵
聚教分屯塞下來則備禦去則勿追為要畧會錢俶薨
太常定諡忠懿洎時判考功為覆狀有居无无悔之語
虞部郎中張泌奏駁之事下中書以詰洎對狀未幾選
為太僕少卿同知京朝官考課拜右諫議大夫判大理
寺又充史館修撰判集賢院事帝以儒行篇賜近臣及

新第舉人洎上表謝帝覽而嘉之擢拜中書舍人充翰林
學士帝顧謂近臣曰學士之職清要貴重非他官可比朕
常恨不得為之故事赴上日設燕教坊以雜戲進久罷其
事至是令畫設之仍詔樞密直學士呂端劉昌言及知
制誥柴成務等預會時以為榮俄判吏部銓嘗引對選
人帝顧之謂近臣曰張洎富有文藝至今尚苦學江東
士人之冠也洎與錢若水同在翰林甚被寵顧時劉昌
言驟擢樞要人望甚輕董儼方掌財賦欲以計傾之會

揚徽之錢熙嘗言洎及若水旦夕當大用熙以語昌言
昌言曰洎必參政柄若水後進年少豈遽及此時翰林
小吏諮事在側昌言慮洎聞之即對小吏盡述熙言令
告洎洎方修飭邊幅以固恩寵疑徽之遣熙以構飛語
中已遂白於帝帝怒召昌言責之以徽之為鎮安軍行
軍司馬熙罷職通判朗州皇子益王元傑改封吳王授
揚州潤州大都督府長史領淮南鎮江兩軍節制洎當
革制因上議曰唐以揚益潞幽荆五郡為大都督府置

長史司馬為上佐其大都督府非親王不授或親王遙
領別命大臣領郡除長史副大使知節度事今蓋王以
揚潤二郡改封居大都督之任又已正領節度事却加
長史乃是自為上佐矣乞付中書門下商議施行宰相
以制命已行難於追改洎又上表論列呂蒙正言越王
領福州長史今吳王獨為大都督居越王之上非便帝

令俟異日除授并改正之至道二年郊祀軍慶遂改焉

按宋史本傳云至明年帝郊祀軍慶考蓋王元傑改封
吳王長編載于淳化五年二月而太宗本紀至道二年

二月吳王元傑為揚州大都督兼
領壽州非明年也今據本紀改
俄奉詔與李至范果

張昺同修國史又判史館洎博涉經史多知典故每帝
有著述或賜近臣詩什洎必上表援引經傳以將順其
意帝因賜詩褒美有翰長老儒臣之句與蘇易簡同在
翰林素不協及易簡參知政事洎多攻其失既而易簡
罷即以洎為給事中參知政事與寇準同列先是準知
吏部選事洎掌考功為吏部官屬準年少新進氣銳思
欲老儒附己以自大洎夙夜坐曹視事每冠帶候準出

入於省門揖而退不交一談準益重焉因延與語洎捷
給善持論多為準規畫準心服乃凡事之極口稱洎于
帝帝欲進用又知其在江左日多讒毀良善李煜殺潘
佑與有謀焉疑之翰林待詔尹熙古吳郢皆江東人洎
嘗善待之帝一夕召熙古輩侍書禁中因問以佑得罪
故熙古言煜忿佑諫說太直非洎預謀按宋史南唐世家潘佑傳稱佑
因棟煜不納忿而自經並非因煜自是遂加擢用蓋準
忿而殺佑亦不言洎有預謀也
推挽之也既同秉政奉準愈謹政事一決於準無所參

預專修時政記甘言善柔而已後因奏事異同準復忌
之至道二年四方館使曹璨自河西馳騎入奏邊事言
繼遷率萬餘衆寇靈州帝詔宰相呂端知樞密院事趙
鎔等各以所見即日具奏來上呂端相率詣長春殿言
曰臣等若各迷所見則非詢謀僉同之義望許共為一
狀陳其利害洎越次奏曰端等備位輔弼緘默不言深
失訏謨之體端曰洎欲有言不過揣摩陛下意耳必無
骨鯁之論帝默然翌日洎上疏引賈捐之棄珠崖事願

棄靈武以省關西饋運帝嘗有此意既而悔之洎果迎
合覽奏不悅以疏付洎曰卿所陳朕不曉一句洎惶恐
而退帝召同知樞密院事向敏中等曰張洎上言果為
呂端所料朕已還其疏矣洎既議事不稱旨恐懼欲自
固權位帝已嫉準專恣恩寵衰替洎慮一旦同罷免因
奏事大言準退後多誹謗準色變不敢辨由是罷政未
幾洎病在告滿百日力疾請對方拜踏於帝前明日上
章求解職優詔不允後月餘改刑部侍郎罷知政事奉

詔嗚咽疾遂亟十餘日卒年六十四贈刑部尚書以其

二子皆為京官洎美風儀有文采尤險詖好攻人短李

煜既歸朝貧甚時弓索之煜以白金額面器與洎洎尚

未滿意煜子仲寯

按五代史南唐世家云封長子仲遇清源公宋史南唐世家云仲寯偽封

清源郡公考五代史有仲遇無仲寯宋史有仲寯無仲遇而清源封號兩史皆同東都事畧又作仲瑤死

亦不弔與張佖議事不協遂為讐隙始以從父禮事佖

既而不拜善事內官在翰林日引唐故事奏內供奉官

藍敏政為學士使內侍裴愈副之帝曰此唐室弊政朕

安可踵此覆轍洎慚而退性鄙吝雖親戚無所需及江表
故舊亦罕登其門素與徐鉉厚善後相忤遂絕交子安
期至國子博士方回後為虞部員外郎方回子懷玉王
欽若壻賜進士及第大理寺丞祕書校理

李惟清字直臣下邑人父仲行為章邱簿因徙家焉惟
清開寶中以三史解褐涪陵尉蜀民尚淫祀病不療治
聽於巫覡惟清擒大巫笞之民以為及禍他日又加箠
焉民知不神然後教以醫藥稍變風俗時遣宦官督輸

造船木縱恣不法惟清奏殺之由是知名秩滿遷大理
寺丞太平興國三年為荆湖北路轉運判官五年改左
贊善大夫充轉運副使升正使就改監察御史兼總南
路嘗入奏事太宗問曰荆湖累年豐稔又無徭役民間
蘇否對曰臣見官賣鹽斤為錢六十四民以三數斗稻
價方可買一斤迺詔斤減十錢徙京西轉運使入為度
支判官改主客員外郎雍熙三年大畚取幽州惟清以
為兵食未豐不可輕動朝廷業已興師奏入不報判度

支許仲宣建議通鹽法以賣鹽歲課賦于卿卹與戶稅均納惟清奉詔往荆湖諸路詳定奏言以鹽配民非便遂罷使還出為京東轉運使會募丁壯為義軍惟清曰若是天下不耕矣三上疏諫繇是獨選河北而餘路悉罷擢屯田郎中度支副使端拱初遷右諫議大夫改度支使會遣使河朔治方田大發兵惟清以盛春妨農懇求罷廢太宗曰兵夫已發矣止令完治邊城而已淳化三年遷給事中充鹽鐵使淮南推貨務賣岳茶斤為錢

百五十惟清擅減斤五十錢不以聞左授衛尉少卿出
知廣州至道初就拜右諫議大夫太宗聞其廉平詔獎
之二年徙廣南東西路都轉運使尋召拜給事中同知
樞密院事惟清倜儻自任有鉤距臨事峻刻所至稱強
幹然以俗吏進無人望纔數月真宗即位加刑部侍郎
復除御史中丞既去樞要怫鬱尤甚肆情彈擊咸平元
年卒年五十六贈戶部尚書子永錫蔭至光祿寺丞後
至右贊善大夫次子永德至殿中丞

欽定續通志卷三百八

欽定四庫全書

欽定續通志卷三百九

列傳

宋

十三

柴禹錫

張遜

周瑩

王繼英

王顯

柴禹錫字元圭大名人少時有客見之曰子質不凡若輔以經術必致將相禹錫由是留心問學時太宗居晉

即以善應對獲給事焉太平興國初授供奉官三年改翰林副使遷如京使仍掌翰林司每夜直帝以藩府舊僚多召訪外事遷宣徽北院使告秦王廷美陰謀擢樞密副使轉南院使雍熙中議廣官城禹錫請以別業易官即帝因是薄之又於帝前稱轉運使王延範忠勤且為宰相宋琪請盧多遜故第帝惡其朋比下詔切責以左驍衛大將軍出知滄州語詳宋琪傳禹錫在任勤於政治部民列狀以聞改涪州觀察使徙澶鎮二州駐泊

部署俄知潞州州民乞留三載詔獎之徙知永興軍府
再召為宣徽北院使知樞密院事至道初制除鎮寧軍
節度知涇州入謝日帝謂曰由宣徽罷者不過防禦使
爾今委卿旌節兼之重鎮可謂優異矣禹錫流涕哽咽
而已咸平中移知貝州是歲契丹兵奄至城下禹錫內
嚴備禦寇尋引去明年徙陝州景德初子宗慶選尚召
禹錫歸闕令公主就第謁見行舅姑禮固辭不許頃之
還鎮卒年六十二贈太尉

隆平集作贈太子太傅

子宗亮太子中

允宗慶永清軍節度

張遜博州高唐人數歲喪父養於叔父職方員外郎幹
後隨母歸魏仁浦家駙馬都尉咸信其異父弟也太宗
在晉邸召隸帳下太平興國初補左班殿直從征太原
還遷文思副使累遷度支使端拱初遷鹽鐵使二年授
宣徽北院使簽書樞密院事未幾兼樞密副使知院事
與同列寇準不協每奏事頗相矛盾一日遜等晚歸私
第準與溫仲舒並轡有狂民迎馬首拜呼萬歲街使王

賓舊與遜同事晉卽遜又嘗舉賓雅相厚善因奏民迎
準拜呼萬歲準辯實與仲舒同行遜令賓獨奏斥臣辭
意俱屬因互發其私太宗惡之下詔切責遜左降右領
軍衛將軍準亦罷職西蜀李順為亂詔發兵水陸進討
以荆渚居其要害命遜為右驍衛大將軍知江陵府遜
至會峽路諸漕卒數千人聚江陵有告其謀變以應蜀
寇府中議欲盡誅之遜止捕首惡楊承進等斬於市餘
黨親加慰撫飛奏以聞太宗嘉之詔以其卒分配州郡

遜卒年五十六時至道元年也贈桂州觀察使遜小心
謹慎徒以攀附至貴顯其訏謀獻替無聞馮子敏中初
補供奉官遜在宣徽表言嘗業文願改秩累至比部郎

中次子虛中娶宗室申國公女至供奉官閣門祇候敏

中子先進士及第

按宋史此下有揚守一趙銘二傳守
一與銘俱給事皆卽以誣搆秦王廷

美遜至通顯無事

蹟足錄今併刪

周瑩瀛州景城人右領軍衛上將軍景之子也景家富
財好交結歷事唐漢周習水利嘗浚汴口導鄭州郭西

水入中牟渠修滑州河堤累遷至是官太宗潛邸時瑩
得給事左右即位補殿直領武騎卒巡警泉福州卒纜
數百捕劇賊千餘遷供奉官又使綏銀州按邊事還奏
稱旨擢鞍轡庫副使雍熙二年為杭睦五州都巡檢使
兼杭州都監會妖僧紹倫為變瑩擒獲之逮捕就戮者
三百餘人人以為酷濫代還與郝守濬護塞宋州決河
俄改三路排陣鈴轄歷知天雄軍真定二府就遷引進
使至道二年李繼隆討西夏詔瑩詣軍前授以機事還

拜客省使簽書樞密院諸房公事真宗嗣位拜宣徽北院使先是宣徽著位在樞密副使上瑩表請居下從之咸平三年遷南院使知樞密院事會蜀平部送脅從者數千百人至闕下西州轉運使馬亮因入奏請赦其罪遣還瑩以為當盡誅之令瑩亮廷議帝是亮議悉原其罪五年高陽關都部署關藩侯無足領之者宰相請輟宣徽使以居其任時王繼英任北院帝以瑩練達軍事乃拜永青軍節度兼領高陽關都部署為三路排陣使

契丹來侵詔步兵赴寧邊軍為援瑩至則寇兵已去即日還屯所帝聞曰瑩何不持重少留示以不測輕於舉措非將帥體也景德初代王顯為天雄軍都部署兼知軍府事嘗召洺州騎士千五百人赴大名道與寇值力戰有死傷者瑩猶謂其玩寇將悉誅之詔賜金帛諭瑩勿治其罪車駕北巡為駕前東西貝冀路都部署明年改知陝州俄徙永興軍府又移邠州兼環慶路都部署時夏州內屬詔省戍兵還營以減饋餉之費仍手詔諭

瑩瑩遂奏乞留以張邊威帝謂瑩庸懦不智以曹瑋代之徙知澶州大中祥符初改天平軍節度明年為鎮定都部署兼知定州轉運使奏其曠弛徙知澶州境內屢有寇盜宰相以瑩任居將帥不能以威望鎮靖請徙他郡帝曰處之閑僻適使其自偷爾遂下詔督責令其擒捕時發卒修河防而軍中所給糗糧多腐敗不可食又役使不均瑩不加恤以故亡命者衆七年入朝復遣還鎮又以澶淵當契丹之衝籍其廩給之厚復命知澶州

九年被疾求還京師卒年六十六贈侍中初諡忠穆後
改元惠錄其二子供奉官普顯為內殿崇班二孫永昌
永吉為殿直瑩居樞近無他謀畧及涖軍旅歷蕃鎮功
業無大過人

王繼英開封祥符人少從趙普給筆札普罷河陽為少
保從者皆去繼英趨事逾謹普再入相繼英隸名中書
五房院時真宗在藩邸選為尊吏魚內知客事太宗召
見謂曰汝昔事趙普朕所備知今奉親賢尤宜盡節及

建儲授左清道率府副率兼左春防謁者謁者本官職副率品秩頗崇非趨走左右者所宜為俾兼領之執政之誤也真宗即位擢為引進使領恩州刺史累遷樞密都承旨改容省使契丹來侵繼英密請車駕北巡帝從之即命繼英馳傳詣鎮定高陽關閱視行宮儲頓宣諭將士俄充澶州鈐轄會大將傅潛逗撓得罪令繼英即軍中召還屬吏尋掌三班拜宣徽北院使與周瑩同知樞密院事瑩出鎮繼英遂冠樞宥小心慎靖以勤敏稱

帝倚賴之景德初授樞密使

按宋史宰相表載景德元年八月己未王繼英自宣

徽南院使檢校太保知樞密院事進樞密使本傳南院作北院不載檢校太保

從幸澶州契丹

請和諏訪經畧繼英預焉明年郊祀加特進檢校太傅
三年卒年六十一贈太尉侍中諡恭懿子遵式遵誨遵
度遵範皆至顯官

王顯字德明開封人初為殿前司小吏太宗居藩嘗給
事左右性謹介不好狎未嘗踐市肆太宗即位補殿直
稍遷供奉官累遷東上閣門使八年拜宣徽南院使兼

樞密副使是夏制授樞密使

按宋史宰相表載太平興國八年六月己亥王顯自

樞密副使加檢校太保進樞密使本傳不載加檢校太保

帝謂之曰卿世家本儒少

遭亂失學今與朕機務無暇博覽羣書能熟軍戒三篇

亦可免面墻矣副使趙昌言寇準鋒氣皆銳慢顯顯或

失誤護短終不肯改帝每面戒之淳化二年詔加切責

黜授隨州刺史充崇信軍節度觀察等使遣之任俄知

永興軍徙延州時夏臺並部寇擾顯上言李繼遷翻然

向化許其內附然而狼子野心未可深信宜謹屯戍固

城壘積芻糧遴選才勇付以邊任蜀寇未平宜申飭將
帥速期蕩平至於河北關防所當加謹誠以國家方事
西南密謀興舉若分中朝之勢力則長外寇之姦謀矣
時制沿邊糧斛不許過河西河西青鹽不得過界販鬻
犯者不以多少處斬顯請犯多者依法自餘別為科斷
以差其罪章上未報移知秦州初溫仲舒知州日開拓
山林諷藩部獻其地後朝廷雖嘗給還而採伐如故轉
運使盧知翰請量給藩部茶綵以酬所獻詔遣張從式

與顯同往規度顯言乃者朝命以趙保吉修貢邊城務使安靜若今動衆開斥疆境非便議遂罷咸平初入朝

改橫海軍節度出知鎮州二年曹彬卒復拜樞密使

按宋

史宰輔表載咸平二年七月己丑王顯自橫海軍節度使兼御史大夫依前檢校太傅除樞密使本傳不載兼御史大夫 郊祀加檢校太師真宗幸大名內樞惟顯與

副使宋湜從言者多謂顯專司兵要謀畧非長會湜卒

乃以參知政事向敏中權同知樞密院事三年改授山

南東道節度同中書門下平章事定州路行營都部署

河北都轉運使兼知定州吏民詣駐泊都部署孔守正
言顯治狀願借留守正以聞明年加鎮定高陽闕三路
都部署許便宜從事契丹來侵前軍過威虜軍比時方
積雨契丹以皮為弦濕緩不堪用顯因大破之象獲甚
衆明年求致仕不許改河陽三城節度將之鎮時議親
征契丹顯言盛寒在序敵未犯塞繼遷未滅西鄙不寧
議者乃於此時請復幽薊非計之得也必欲復燕薊舊
地則必修文德養勇銳因時之利而後可景德初徙知

天雄軍府又言祖宗以來多命近臣統領軍旅今後宣
徽使宜於文武羣臣中擇曉達邊事者為之武臣以罪
黜者宜加容貸不以一眚遂廢至若臨敵命將則貴專
任出師應敵則約束將校使相應援全是數者則軍威
倍壯人心增勇矣契丹來侵帝議親征顯復陳三策謂
大將軍方在鎮定契丹必不南侵車駕止駐澶淵詔鎮
定出兵會河南軍合擊之可也若契丹虛張聲勢以抗
我師潛遣銳兵南攻駕前諸軍則令鎮定之師直衝戎

帳攻其營若沿河遊兵不戰而自屈矣否則遣騎兵千餘步兵三千於濮州渡河橫掠繼以大軍追北掩擊亦可出其不意也已而契丹請盟趙德明遣使修貢稱藩朝廷加賞錫且許通青鹽以濟邊民從顯之請也四年以疾還京師卒年七十六贈中書令諡忠肅錄其二子顯自三班不數年正樞任獎擢之速時無擬之者顯吏軍司時張永德以滑州節制為殿前都點檢及顯自樞密鎮孟津兼相帥永德由太子太師為相帥同日宣制永

德兼大夫反在顯下時人訝之顯居中執政矯情以厚胥吏齷齪自固而已在藩鎮頗縱部曲擾下論者非之子希逸字仲莊以廕補供奉官好學尤熟唐史聚書萬餘卷換秩授朝奉大夫太子中允咸平初改殿中丞直史館預修冊府元龜加祠部員外郎卒希範至如京副使

欽定續通志卷三百九

欽定四庫全書

欽定續通志卷三百十

列傳

宋十四

扈蒙

王著

王祐

旭
質

楊昭儉

魚崇諒

張澹

高錫

冕

扈蒙字日用幽州安次人少能文晉天福中舉進士入

漢為鄆縣主簿趙思綰叛遣郭從義討之郡縣吏供給
皆戎服趨事蒙冠服褒博舉止舒緩從義頗訝之轉運
使李穀謂曰蒙文學名流不習吏事遂不之問周廣順
中從歸德軍節度趙暉掌書記召為右拾遺直史館知
制誥蒙從弟載時為翰林學士兄弟並掌內外制時號
二扈太祖即位由中書舍人遷翰林學士坐請託於同
年仇華按長編載蒙以僕夫扈繼遠為從子屬之同年
生淮南轉運使仇華使釐務繼遠盜官鹽事發
蒙坐奪金紫黜為左贊善大夫夫本傳所稱請託即此事也黜為太子左贊善大夫稍

遷左補闕掌大名市征復知制誥充史館修撰開寶中
受詔與李穆等同修五代史連知貢舉蒙上書言自今
凡有裁制之官優恤之言發自宸衷可書簡策者並委
宰臣及參知政事每月輪知抄錄以備史官撰集從之
即以參知政事盧多遜典其事九年受朝乾元殿降王
在列聲明大備蒙上聖功頌以述太祖受禪平一天下
之功其詞誇麗有詔褒之為盧多遜所惡出知江陵府
太宗即位召拜中書舍人旋復翰林學士與李昉同修

太祖實錄太平興國四年從征太原還轉戶部侍郎加承旨雍熙三年被疾以工部尚書致仕未幾卒年七十二贈右僕射自張昭實儀卒典章儀注多蒙所刊定初太祖受周禪追尊四廟親郊以宣祖配天及太宗即位禮官以為舜郊嚳商郊冥周郊后稷王業所因也若漢高之太公光武之南頓君雖有帝父之尊而無預配天之祭故自太平興國三年六年再郊並以太祖配於禮為允太宗將東封蒙定議曰嚴父莫大於配天請以宣

祖配天自雍熙元年罷封禪為郊祀遂行其禮識者非之蒙性沈厚不言人是非有笑疾雖帝前不自禁載字

仲熙有傳見五代史

按宋史本傳前有陶穀傳改入貳臣

王著字成象單州單父人性豁達無城府幼能屬文漢乾祐中舉進士周祖鎮大名世宗侍行聞著名召置門下因得謁見周廣順中世宗鎮澶州辟觀察支使隨世宗入朝遷殿中丞即位拜度支員外郎顯德三年充翰林學士恭帝立加金部郎中知制誥太祖即位加中書

舍人建隆二年知貢舉時亳州獻紫芝鄆州獲白兔隴
州貢黃鸚鵡著獻頌因以規諫太祖甚嘉其意下詔褒
之四年宿直禁中被酒夜扣滋德殿門求見帝怒黜為
比部員外郎乾德初改兵部員外郎二年復知制誥加
史館修撰判館事三年就轉戶部郎中六年復為翰林
學士加兵部郎中再知貢舉開寶二年暴卒年四十二
著少有俊才事周世宗以幕府舊僚眷待尤厚常召見
命皇子出拜每呼學士而不名以嗜酒而不得相善與

人交好延譽後進當世士大夫稱之

按宋史本傳末云有傳見五代史考

薛居正歐陽修五代史俱無王著傳今刪

王祐字景叔大名莘人少篤志詞學性倜儻有俊氣晉天福中以書見桑維翰稱其藻麗由是名聞京師鄴師杜重威辟為觀察支使漢初重威移鎮睢陽反側不自安祐嘗勸之使無反漢不聽祐坐是貶沁州

按東都事畧作遼州

司戶參軍因作書貽鄉友以見志仕周歷魏縣南樂二令太祖即位拜監察御史出知魏縣移知光州遷殿中

侍御史乾德三年知制誥六年加集賢院修撰轉戶部員外郎太祖征太原已濟河諸州饋集上黨城中車乘塞路帝聞之將以稽留罪轉運使趙普曰六師方至而轉運使以獲罪聞敵必謂儲峙不充有以窺我矣非威遠之道也俾能治劇者往莅其州足矣即命祐知潞州及至饋餉無乏路亦無壅班師召還會符彥卿鎮大名頗不治太祖以祐代之俾察彥卿動靜謂曰此卿故鄉所謂畫錦者也祐以百口明彥卿無罪且曰五代之君

多因猜忌殺無辜故享國不永願陛下以為戒彥卿由是獲免故世謂祐有隱德繼以用兵嶽表徙知襄州湖湘平移知潭州召還攝判吏部銓時左司員外郎侯陟自揚州還復判銓祐判門下省陟所注擬祐多駁正盧多遜與陟善陟因訴之多遜素惡祐不比已遂黜祐為鎮國軍行軍司馬太平興國初移知河中府入為左司員外郎拜中書舍人充史館修撰未幾知開封府以病請告太宗謂祐文章清節兼著特拜兵部侍郎卒年六

十四追封晉國公累贈太師尚書令兼中書令

據歐陽修所撰

王文正公旦全德元老之碑贈

初祐掌誥會廬多遜為學士陰傾趙普

多遜累諷祐比已祐不從一日以宇文融排張說事勸

釋之多遜滋不悅及普再入多遜果敗與宇文融事頗

類識者服其先見祐子三人懿旦旭旦自有傳初祐知

貢學多拔擢寒俊畢士安柴成務皆其所取也後與某

子旦同入兩制居中書懿宇文德勵志為學舉進士嘗

知袁州有政績卒年四十九

旭字仲明嚴於治內恕以接物尤篤友義以蔭補太祝嘗知緱氏縣時官鄰邑者多貪猥民有永寧三鑲緱氏一鎌之謠又知雍邱縣真宗尹京時素聞其能及踐阼三遷至殿中丞自旦居宰府旭以嫌不任職王矩嘗薦旭材堪治劇真宗召旦謂曰前代弟兄同居要地者多矣朝廷任才豈以卿故屈之邪命授京府推官旦固辭改判南曹尋判國子監出知潁州荒政修舉大中祥符間旦既薨敷歷中外早有政績由兵部郎中出知應天

府卒年六十八懿子睦旭子質皆能其官

質字子野少謹厚淳約力學問師事楊億億歎以為英
妙伯父旦見其所為文嗟賞之以蔭補太常寺奉禮郎
後獻文召試賜進士及第被薦為館閣校勘改集賢校
理累遷尚書祠部員外郎丁父憂與諸弟飯脫粟茹蔬
終喪通判蘇州州守黃宗旦少質嘗因爭事宗旦曰少
年乃與丈人抗邪質曰事有當爭職也卒不為屈宗旦
得盜鑄錢者百餘人下獄治退告質曰吾以術鈎致得

之喜見於色質曰以術鉤人寘之死而又喜仁者之政固如是乎宗旦慙沮為薄其罪還判尚書刑部吏部南曹知蔡州州人歲時祀吳元濟廟質曰安有逆醜而廟食於民者毀之為更立狄仁傑李愬像而祠之蔡人至今號雙廟以本曹郎中召為開封府推官時兄雍為三司判官質不欲兄弟並居省府懇辭得知壽州徙廬州盜殺其徒并質而遁捕得之質論盜死大理以法不當死質曰盜殺其徒自首者原之所以攜貳其黨且許之

自新此法意也今殺人取貲而捕獲貸之豈法意乎疏
上不報降監舒州靈仙觀採古今鍊形攝生之術撰寶
元總錄百卷逾年韓琦知審刑院請盜殺其徒非自首
者勿原著為令於是鄭戩葉清臣皆言質非罪且稱其
材起知秦州遷度支郎中徙荆湖北路轉運使嘗攝江
陵府事或訴民約婚後期民言貧無貲故違約質問其
費幾何出私錢予之吏捕盜人衣者盜叩頭曰平生不
為過迫饑寒而至此質命取衣衣之遣去加史館修撰

同判吏部流內銓擢天章閣待制出知陝州卒質家世
富貴兄弟習為驕侈而質克己好善自奉簡素如寒士
不喜畜財至不能自給初旦為中書舍人家貧與昆弟
貸人息錢違期以所乘馬償之質閱書得故券召子弟
示之曰此吾家素風爾曹當毋忘也范仲淹貶饒州治
朋黨方急質獨載酒往餞或以誚質質曰范公賢者得
為之黨幸矣世以此益賢之

楊昭儉字仲寶京兆長安人昭儉少敏俊後唐長興中

登進士第解褐成德軍節度推官拜左拾遺直史館與
中書舍人張昭遠等同修明宗實錄書成遷殿中侍御
史晉天福初改禮部員外郎晉祖命宰相馮道為契丹
冊禮使以昭儉為介授職方員外郎旋加虞部郎中以
本官知制誥不逾月三拜命時人榮之拜中書舍人又
為翰林學士時驕將張彥澤鎮涇原暴殺從事張式朝
廷不加罪昭儉與刑部郎中李濤諫議大夫鄭受益抗
疏論列請寘之法疏奏不報會有詔令朝臣轉對或有

對事亦許以不時條奏昭儉復上疏願回睿斷誅彥澤以謝軍吏由是權臣忌之會請告洛陽不赴晉祖喪為有司所糾停官未幾起為河南少尹改秘書少監尋復中書舍人時河決數郡大發丁夫以本部帥董其役既而塞之晉少主喜詔立碑記其事昭儉表諫曰陛下刻石紀功不若降哀痛之詔攜翰頌美不若頒罪己之文言甚切至少主嗟賞之卒罷其事周世宗愛其才復召入翰林為學士改御史中丞多振舉臺憲故事未幾以

鞠獄之失出為武勝軍節度行軍司馬太祖開寶二年入為太子詹事六年以工部尚書致仕太宗即位就加禮部尚書太平興國二年卒年七十六昭儉事晉有直聲然利口喜譏訾執政大臣懼其構謗多曲徇其意

魚崇諒字仲益其先楚州山陽人後徙於陝崇諒初名崇遠後避漢祖諱改之幼能屬文弱冠相州刺史辟為從事又為秦王從榮記室從榮誅坐除籍流慶州後唐清泰三年起為陝州司馬仕晉歷殿中侍御史鳳翔李

儼表為觀察支使奉方物入貢宰相薦為屯田員外郎
知制誥開運末契丹入汴契丹相張礪薦為翰林學士
契丹主北歸留崇諒京師漢祖復令知制誥俄拜翰林
學士就加中書舍人隱帝時以母老求就養除保義軍
節度副使領台州刺史會舉師討三叛節度使白文珂
在軍前崇諒知後事凡供軍儲備調發皆促期而辦近
鎮賴之崇諒親屬盡在鳳翔城中踰年城破李穀為轉
運使庇護崇諒家數十口皆無恙崇諒請告自岐迎居

於陝未幾王仁裕罷內職朝議請召崇諒為學士周祖踐阼書詔繁委皆崇諒為之廣順初加工部侍郎充職會兗州慕容彥超加封邑彥超已懷反側遣崇諒充使賜官告仍慰撫之時多進策人命崇諒就樞密院引試考定升降崇諒以母老思鄉里求解官歸養詔給長告俄拜禮部侍郎復為學士詔令侍母歸闕崇諒再乞終養優詔不允世宗征高平崇諒尚未至陶穀乘間言曰魚崇諒逗留不來有顧望意世宗頗疑之崇諒又表陳

母病詔許歸陝州就養訖太祖朝不起太宗即位詔授金紫光祿大夫尚書兵部侍郎致仕歲餘卒

張澹字成文其先南陽人徙家河南澹幼好學有才藻晉開運初登進士第宰相桑維翰器之妻以女解褐校書郎直昭文館歷左拾遺禮部員外郎並充史館修撰出為洛陽令秩滿授吏部員外郎復充史館修撰周恭帝初拜右司員外郎知制誥太祖建隆二年加祠部郎中會秘書郎張去華上書自薦有文藝願與澹及祠部

員外郎知制誥盧多遜殿中侍御史師頌並試覈定優劣太祖令並試於講武殿澹所對不應策問責授左司員外郎通判泰州兼海陵鹽監副使蜀平通判梓州復拜祠部郎中開寶初就轉倉部郎中四年以本官知制

誥會內署闕學士太祖令澹權直學士院

按長編據實錄載開寶六

年夏四月壬寅命知制誥張澹權祇應翰林院事

七年權點檢三司事卒年五

十六太祖聞其無子甚愍之命中使護葬於洛陽澹歷官釐務所至皆治初與祠臣校藝黜居郎署頗怏怏晚

年附會盧多遜方再獲進用淳化中太宗論及文士曰
澹典書命而試以策非其所長此蓋陶穀高錫黨張去
華以沮澹爾若使穀輩出其不意而遽試之豈有不失
律者邪

高錫字天福河中虞鄉人家世業儒幼穎悟能屬文漢
乾祐中舉進士王晏鎮徐州辟掌書記留守西洛又辟
河南府推官坐按獄失實奪官遷置涇州會赦得歸周
顯德初宰相請選將拒劉崇世宗銳意親征破崇高平

誅敗將樊愛能等由是政無大小悉親決之不復責成
有司錫徒步詣招諫匭上書請擇賢任官分治衆職疏
奏不報世宗嘗令翰林學士及兩省官分撰俳優詞付
教坊肄習以奉游宴錫復上疏諫後為蔡州防禦推官
太祖即位棄官歸京師詣匭上疏請禁兵器不報建隆
五年又以書干宰相范質質奏用為著作佐郎遷監察
御史拜左拾遺知制誥加屯田員外郎太宗尹京召熙
載在幕中錫弟銑應進士舉干熙載望首薦銑辭藝淺

薄熙載不許錫深銜之數於帝前言熙載裨贊無狀帝以語太宗且曰當為汝擇人代之太宗曰熙載勤於迺職聞高錫嘗求薦其弟熙載拒之慮為錫所構帝大悟雖怒之未有以發會使青州私受節帥郭崇賂遺又嘗致書澧州刺史為僧求紫衣為人所告貶策州司馬遇赦改均州別駕移陳州太平興國八年卒

欽定續通志卷三百十